



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-633-4/24**  
Datum: **22.04.2025. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «KOMUNALNO» d.o.o. Žepče za donošenje rješenja o vodnoj dozvoli za zahvatanje vode sa otvorenog vodozahvata Ravna rijeka (kapacitet 22 l/s) i rijeka Ograjina (kapacitet 10 l/s) za potrebe snabdijevanja pitkom vodom potrošača na području općine Žepče, na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Žepče za zahvatanje vode za potrebe snabdijevanja vodom potrošača na području općine Žepče sa:
  - otvorenog vodozahvata na Ravnoj rijeci – tirolski zahvat kapaciteta 22 l/s,
  - otvorenog vodozahvata na rijeci Ograjina – tirolski zahvat kapaciteta 10 l/s.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekata i uz sljedeće uslove:
  - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom te u skladu sa uslovima iz ove vodne dozvole.
  - 2.2. Da se obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
  - 2.3. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
  - 2.4. Da se obezbijedi tehnička ispravnost ugrađenih mjernih uređaja za evidentiranje količina zahvaćene vode odnosno da se redovno vrši baždarenje mjerača protoka u skladu sa propisima o mjernim uređajima.
  - 2.5. Da se u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode. Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
  - 2.6. Da se korisnik vodozahvatnih objekata brine o čuvanju objekata i uređaja na njima od slučajnog ili namjernog oštećenja ili uništenja.
  - 2.7. Da se sprovode zaštitne mjere za izvorišta vode za javno vodosnabdijevanje u skladu sa Odlukom o zaštiti vode za piće izvorišta «Ravna rijeka» broj: 01-25-7/18 (za izvorišta 1-6) i broj: 01-25-8/18 (za izvorišta 7 i 8) te u skladu sa Odlukom o zaštiti vode za piće otvorenog vodozahvata «Ograjina» broj: 01-25-6/18, donesenim dana 31.01.2018. godine od strane Općinskog vijeća Žepče («Službeni glasnik Općine Žepče», broj 1/18).
  - 2.8. Da se zahvaćena voda prečišćava na postrojenju za pripremu pitke vode lociranom na lokalitetu Križ, općina Žepče primjenom odabrane tehnologije koja će dati vodu za piće propisanu važećim Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17).
  - 2.9. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
  - 2.10. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o zdravstvenoj ispravnosti vode za piće.

- 2.11. Vlasnik odnosno korisnik objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnih vodnih objekata je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
  4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
  5. Ukoliko prilikom upotrebe predmetnih vodozahvatnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
  6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  7. U ovoj upravnoj stvari plaćene su sve upravne takse.
  8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
  9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
  10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Javno preduzeće «KOMUNALNO» d.o.o. Žepče podnijelo je Agenciji dana 16.12.2024. godine zahtjev za izdavanje vodne dozvole za zahvatanje vode sa otvorenog vodozahvata Ravna rijeka (kapacitet 22 l/s) i rijeka Ograjina (kapacitet 10 l/s) za potrebe snabdijevanja vodom potrošača na području općine Žepče. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Rješenja o upisu subjekta upisa u sudski registar broj: 043-0-Reg-06-001114 izdatog dana 19.09.2006. godine od strane Općinskog suda u Zenici,
- Ovjerena kopija Rješenja o izmjenama podataka u sudski registar broj: 043-0-Reg-16-000358 izdatog dana 11.04.2016. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 25.10.2006. godine od strane Porezne uprave-Kantonalni ured Zenica,
- Kopija Rješenja o vodnoj dozvoli broj: UP-I/25-3-40-570-4/19 izdatog dana 19.12.2019. godine od strane «Agencije za vodno područje rijeke Save» Sarajevo,
- Kopija Uvjerjenja UP-I-Broj: 09-23-1-86/99 o uvjetima uređenja prostora za izgradnju gradskog vodovoda izdatog dana 24.09.1999. godine od strane Službe graditeljstva i prostornog uređenja Općine Žepče,
- Kopija Rješenja o odobrenju gradnje broj: UP-I-Broj: 09-23-2-74/99 za Gradski vodovod - Obnova i nadogradnja vodoopskrbnog sistema grada Žepča i TS 10(20)/0,4 kV «VODOVOD» Žepče i priključka 20 kV Dalekovod za TS «VODOVOD» Žepče izdatog dana 05.10.1999. godine od strane Službe graditeljstva i prostornog uređenja Općine Žepče,
- Kopija Rješenja o namjenskoj upotrebi i korištenju objekta Gradskog vodovoda-Obnova i nadogradnja vodoopskrbnog sistema grada Žepča broj: UP-I-Broj: 09-23-2-68/2000 izdatog dana 31.07.2000. godine od strane Službe graditeljstva i prostornog uređenja Općine Žepče,
- Kopija Odluke o zaštiti vode za piće otvorenog vodozahvata «Ograjina», općina Žepče broj: 01-25-6/18 donesene dana 31.01.2018. godine od strane Općinskog vijeća Općine Žepče,
- Kopija Odluke o zaštiti vode za piće izvorišta «Ravna rijeka» (za izvorišta 1-6), općina Žepče broj: 01-25-7/18 donesene dana 31.01.2018. godine od strane Općinskog vijeća Općine Žepče,

- Kopija Odluke o zaštiti vode za piće izvorišta «Ravna rijeka» (za izvorišta 7 i 8), općina Žepče broj: 01-25-8/18 donesene dana 31.01.2018. godine od strane Općinskog vijeća Općine Žepče,
- Projekat «Rehabilitacija vodovodnog sistema Općine Žepče» urađen od strane «TYPESA» INGENIEROS CONSULTORES Y ARQUITECTOS-TECNICA Y PROYECTOS, S.A. KONSALTING INŽINJERI I ARHITEKTI Barcelona-Španija, 1998. godine – na uvid,
- Kopije Izvještaja o ispitivanju vode za piće (fizičko-hemijska analiza) broj: 1056/24 sa vodozahvata Ograjina i broj: 1057/24 za vodozahvata Ravna rijeka urađenih dana 20.06.2024. godine od strane Zavoda za javno zdravstvo FBiH,
- Kopije Izvještaja o mikrobiološkom ispitivanju vode za piće urađenih 27.11.2024. i 28.01.2025. godine od strane «Inspekt RGH» d.o.o. Sarajevo
- Kopija Izvještaja o ispitivanju vode za piće (voda sa česme – Filter stanica Križ) broj: 138/25 urađenog dana 28.01.2025. godine od strane «Inspekt RGH» d.o.o. Sarajevo,
- Kopija Odluke broj: 01-25-109/03 o prijenosu na upravljanje i gospodarenje komunalnih objekata (novog dovodnog vodovodnog cjevovoda od vodozahvata na rijeci Ograjini i Ravnoj rijeci do rezervoara, uređaja za prečišćavanje Križ i rezervoara Kamentovac i odvodnog cjevovoda od rezervoara Križ do Vašerišta) Komunalnom preduzeću «KOMUNALAC» Žepče donesene dana 28.10.2003. godine od strane Općinskog vijeća Općine Žepče,
- Opći akt o održavanju, korištenju i osmatranju vodoprivrednih objekata, decembar 2019.
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih vodozahvatnih objekata na Ravnoj rijeci i rijeci Ograjina i tom prilikom je sačinjen zapisnik o izvršenom uviđaju broj: UP-1/21-3-40-633-3/24 od 15.04.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe snabdijevanja vodom potrošača općine Žepče (oko 3700 domaćinstava i pravnih subjekata) izgrađen je otvoreni vodozahvatni objekat – tirolski zahvat na Ravnoj rijeci (kapacitet 22 l/s) na koti 634,0 mn.m. i rijeci Ograjina (kapacitet 10 l/s) na koti 588,0 mn.m..

Zahvaćene količine vode sa oba vodozahvata se odvojenim gravitacionim cjevovodom dovode do spojnog okna «Čekrk» odakle se voda gravitacionim cjevovodom Ø225 mm doprema na tretman u Postrojenje za pripremu pitke vode kapaciteta 60 l/sec na lokalitetu Križ, općina Žepče.

Prečišćena voda se distribuira u rezervoar «Križ» kapaciteta 2x500 m<sup>3</sup> a potom u rezervoar «Kamentovac» kapaciteta 200 m<sup>3</sup>. Kontrola kvaliteta vode se vrši na izlazu iz oba rezervaoara.

Mjerenje zahvaćenih količina vode sa oba izvorišta vrši se preko ugrađenog elektro-magnetnog mjerača protoka (tip PROMAG 30 DN 200) smještenog u objektu postrojenja za pripremu pitke vode. Dezinfekcija vode se vrši doziranjem gasnog hlora putem mjerno regulacijske opreme i djelimično tečnim hlorom.

Redovno se rade mikrobiološka i fizičko-hemijska analiza vode (uz zahtjev dostavljeni izvještaji o ispitivanju urađeni od strane Zavoda za javno zdravstvo FBiH i «Inspekt RGH» d.o.o. Sarajevo).

U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12) za oba izvorišta donesene su Odluke o zaštitnim zonama izvorišta (Odluka broj: 01-25-6/18 o zaštiti vode za piće otvorenog vodozahvata «Ograjina»; Odluka broj: 01-25-7/18 o zaštiti vode za piće izvorišta «Ravna rijeka» (za izvorišta 1-6) i broj: 01-25-8/18 (za izvorišta 7 i 8)) Odluke donesene na 13. sjednici Općinskog vijeća Žepče održanoj 30.01.2018. godine i objavljene u «Službenom glasniku Općine Žepče», broj 1/18.

Korisnik vodozahvatnih objekata, JP «KOMUNALNO» d.o.o. Žepče, iste održava u funkcionalnom stanju. Područja I zaštitne zone - zona nastrožijeg režima zaštite za oba vodozahvatna objekta propisno su ograđena ogradom i označena sa istaknutim upozorenjem o zabrani neovlaštenog pristupa a na vodozahvatu «Ravna rijeka» postavljenom kamerom sa uspostavljenim stalnim videonadzorom (24 sata na dan). U skladu sa odredbama donesenih Odluka, kontrolišu se ostale zaštitne zone izvorišta.

Prema izjavi predstavnika podnosioca zahtjeva, voda za vodozahvatnog objekta «Ravna rijeka» je stalno u upotrebi a voda sa vodozahvata «Ograjina» povremeno i uglavnom u sušnom periodu.

Na osnovu utvrđenog činjeničnog stanja i dostavljene dokumentacije, a u svrhu ostvarivanja prava na vodu drugim korisnicima kao i održivog korištenja voda, podnosiocu zahtjeva, JP «KOMUNALNO» d.o.o. Žepče, su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnih vodozahvatnih objekata u skladu sa članom 48., 64., 66., 116. i 128. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Javno preduzeće «KOMUNALNO» d.o.o. Žepče, ispunio minimum uslova za izdavanje vodne dozvole za zahvatanje vode sa otvorenog vodozahvata Ravna rijeka i rijeka Ograjina za potrebe snabdijevanja pitkom vodom potrošača na području općine Žepče, te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-633-2/24 od 21.02.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju  
Rukovodilac sektora za izdavanje  
vodnih akata



Nihad Pezo, dipl.inž.građ.

Dostaviti:

- JP «KOMUNALNO» d.o.o. Žepče  
ul Željeznička br 3, 72230 Žepče
- ⊙ AVP, ISV – Vodna knjiga
- Sektor 50,
- Sektor 40, arhiva
- Oglasna ploča – AVP Sava